

Apesar di menaza di awacero

Aruba a cera conoci cu su Prins- y Panchonan di Carnaval 60



Diadomingo anochi, Aruba a cera conoci cu su monarcanan di Carnaval 60, den un Entertainment Center hopi bon bishita, apesar di e menaza di awacero. E ambiente di Carnaval 60 ya a cuminsa drenta den tur skina di Aruba y despues di un exitoso Fakkeloptocht diasabra ultimo y competencia di nos Prins y Pancho Infantil, Hubenil, Grandi y Prins der Prinsen, e keintura lo sigui subi. E resultado a keda lo siguiente: Prins Mega (Xenon Daal) y Pancho Falta (Brandon Koolman) den categoria Infantil y representando Mundo Infantil Gozando cu Kerekentenchi. Prins Kico (Dyon Carolina) y Pancho A bay Robez (Stephen de Cuba) den categoria Hubenil representando e grupo TOB, Prins 60 (Jordano Hilario) y Pancho Rebenta (Emon Webb) den categoria Grandi y tambe representando e grupo TOB y finalmente como Prins der Prinsen a keda elegi; Prins E Cos Ki (Eduardo Loefstop) y Pancho Ta Djaki (Ivmar Croes) tambe di TOB. Rene Ridderstaat como vocero di SAC ta desea e monarcanan aki un dushi temporada di Carnaval 60, ya cu nan tin e tarea special y unico di dirigi nos paradanan di Carnaval di Diamante y ta desea nan tur clase di exito cu nan trabao.

